

समा. 09.20 Hrs

Headlines

1. मुखमन्त्री उमर अब्दुल्ला होंरें SKICC श्रीनगर च मैडिकल अफसरें गी नियुक्ति -पतर सोंपे ते उनें'गी आखेआ जे ओह पूरी निश्ठा दे कन्नै लोकें दी सेवा करन।
2. केन्द्री मन्त्री डाक्टर जितेन्द्र सिंह होंरें आखेआ ऐ जे बड़ी तौले गै साम्बा-बट्टल सिङ्कै दी मरम्मती- सुधार करियै इसी शैल बनाया जाहग ते इस कम्मै लेई 38 करोड़ 84 लक्ख रपे मंजूर कीते गे न।
3. मुख सचिव अटल डुल्लु होंरें जम्मू-कश्मीर च तकरीबन 40 ज्हार करोड़ रुपें दी जरनैली सिङ्कै ते सुरंग परियोजनाएं दा जायजा लैता ते रुकावटें गी दूर करियै इनें'गी बेल्लै सिर सबूर करे दे निर्देश दिते।
4. जम्मू ज़ोन दे IGP होंरें जम्मू सिटी नार्थ इलाके च पैदल गश्त दी अगुवाई करियै सीनियर अफसरें कन्नै इलाके दी सुरक्षा- बवस्था दा जायजा लैता।
5. ते “जन्माष्टमी” दे ध्यार शा पैहले जम्मू दे बज़ारें च खासी रौनक- प्रशासन ने बंदश आली गट्टु डोर खलाफ कार्रवाई होर तेजी करी दिती ऐ।

CM Appointment Letters

मुख्यमंत्री उमर अब्दुल्ला होंरें श्रीनगर दे शेर कश्मीर अंतर्राष्ट्रीय कन्वेंशन सेंटर च आयोजित इक समारोह दरान सेहत ते मेडिकल शिक्षा विभाग दे नमें नियुक्त मेडिकल अफसरें गी नियुक्ति पत्र भेंट कीते। इस मौके उपपर मुख्यमंत्री होंरें इन्हें अधिकारिणं गी सरकारी सेवा दा हिस्सा बनने पर मुबारकबाद दिती ते कन्नै गुजारश बी कीती जे ओह अपनी इस नियुक्ति गी लोकें दी सेवा लेई समर्पित इक नमें ध्याऽ दी शुरुआत दे तौर उपपर दिक्खन। इस मौके किट्ठ अगगे भाषण दिंदे होई मुख्यमंत्री होंरें आखेआ जे इस नियुक्ति दे कन्नै मेडिकल अफसरें ते उंदे परोआरें दी केई बरें दी सख्त मेहनत इक मुकामी धोड़ी पुज्जी गई ऐ।

<><><><><><>

Samba Battal Road

सांबा-बटल सिड़कें दी मरम्मत-सुधार करियै इसी तौले गै मता शैल बनाया जाहग ते इस कम्मै लेई 38 करोड़ 84 लख रपे अलाँट बी करी दिते गे न। केन्द्री मंत्री डाक्टर जीतेन्द्र सिंह होंरें सोशल मीडिया मंच “एक्स” पर इस बारे ब्यौरे सांझे करदे होई आखेआ जे मुकामी बसनीकें गी एह भरोसा दित्ता गेआ हा जे सांबा-बटल सिड़कें दी मरम्मत सुधार ते एहदे लेई लोड़चदी रकम जारी करने दी मंग गी तौले शा तौले पूरा कीता जाहग। उन्हें आखेआ जे एह गल्ल सांझी करदे होई उंनैगी बड़ी खुशी होआ करदी ऐ जे सीमा सड़क संगठन ने सांबा-बटल सिड़कें दी मरम्मती-सुधार ते इसी मता बेहतर बनाने लेई 38 करोड़ 84 लख रपे देने लेई हुक्म रसाल करी दित्ता ऐ। डाक्टर सिंह होंरें आखेआ जे इक हफ्ते दे अंदर-अंदर एह रकम जारी करी दिती जाहग ते बड़ी तौले गै सिड़कें दा कम्म बी शुरू होई जाहग।



CS Infra Devp Progs

मुख्य सचिव अटल डुल्लु होरें जम्मू-कश्मीर च ढांचागत ते संपर्क विकास कार्यक्रम तैहत हासल प्रगति दी कल समीक्षा कीती जेहदे तैहत समूलचे केन्द्र शासत प्रदेश च राश्ट्री जरनैली सिडकें, सुरंगें, फलाईओवरें, लौहकी पुलिं, पुलें, रिंग रोड ते सामरिक महत्व आहली होरनें संपर्क परियोजनाएं गी तोढ़ चाढ़ेआ जा'रदा ऐ। जरनैली सिडकें ते सुरंगें सरबन्धी परियोजनाएं च हासल प्रगति दी ब्यौरेवार समीक्षा करदे होई मुख्य सचिव होरें इस सरबन्धे च ठोस ब्यौरे मंगगे ते इ'नें परियोजनाएं गी सबूरा करने लेई तय कीती गेदी समें-सीमा दे बारें च बी जानकारी हासल कीती। इ'नें बड्डी संपर्क परियोजनाएं दे महत्वैक् उप्पर लोs पांदे होई डुल्लु होरें सूबाई ते जिला प्रशासनें गी निर्देश दित्ते जे ओ'ह कम्म तोढ़ चाढ़ा करदी एजेंसिएं दे कन्नै नेइमा तालमेल बनाइयै कम्म करन तांजे इ'नें प्रोजेक्टें च पेश ओने आहली रूकावटें गी दूर कीता जाई सकें ते इ'नें कम्में दी रफ्तार लगातार बनी दी रवै।



CS-Migrant Property

मुख्य सचिव अटल डुल्लु होरें कल इक बैठक लाइयै कश्मीर संभाग दे सबनें 10एं जिलें च कश्मीरी विस्थापित संपत्ति धारकें आसेआ दर्ज शकैतें दे नबेड़े आहली प्रक्रिया दी व्यापक समीक्षा कीती। इस मौके पर उ'नें सूबाई ते जिला प्रशासनें गी निर्देश दित्ता जे ओ'ह हर इक शकैत दी बरीकी कन्नै जांच करियै ओहदा नबेडा जकीनी बनान ते इस दरान मते चिरै थमां बकाया पेदे मामलें बकखी पैहल दी बिनाह उप्पर ध्यान दित्ता जा। उ'नें जोर देइयै आखेआ जे हर इक शकैत

दी व्यापक जांच होनी चाहिदी ते सरबंधत संपत्ति मालकें लेई उचित ढंग्गै कन्नै ओहदा नबेड़ा बी करोआया जाना लोड़चदा ऐ।

<><><><><><>

PM Vishwakarma Poonch

भारत सरकार दे भलेआं लौहके, लौहके ते दरम्याने दर्जे दे उद्यमें सरबन्धी एम.एस.एम.ई. मंत्रालय आसेआ पुंछ च पीएम विश्वकर्मा योजना दे बारें च इक बड़्डा जागरूकता कैंप लोआया गेआ। इस कार्यक्रम दा मकसद मुकामी कारीगरें ते रिवायती दस्तकारें गी इस योजना दे फायदें सने उपलब्ध मौकें ते मदाद दे बारें च बी जानकार बनाना हा। इस कैंप दरान रिवायती शोबें कन्नै जुड़े दे कारीगरें अंदर जागरूकता पैदा करने ते उनेंगी भारत सरकार दी इस बड़ी मती महत्वपूर्ण योजना तैहत उपलब्ध फायदे हासल करोआने बक्खी चेचा ध्यान दिता गेआ। इस कैंप च मुकामी कारीगरें, दस्तकारें ते होरनें बी केइएँ लोकें हिस्सा लैता। इस बारें होर ब्यौरे सांझे करदे होई एम.एस.एम.ई. दे ज्वाईट डरैक्टर अमित कुमार होरें आखेआ

<><><><><><>

IGP Jammu Foot Patrol

जम्मू ज़ोन दे आई.जी.पी तेजिन्द्र सिंह होरें जम्मू-सांबा-कठुआ रेंज दे डी.आई.जी श्रीधर पाटिल, जम्मू दे एस.एस.पी जोगिंदर सिंह ते एसपी नार्थ जम्मू विवेक शेखर हुंदे कन्नै कल जम्मू-नार्थ हलके दे इलाकें दा पैदल दौरा कीता। पुलसा दे इनें सीनियर ऐहलकारें सुरक्षा बंदोबस्तें दी निजी तौरा पर समीक्षा कीती ते इलाके च कानून बवस्था दी स्थिति दा जायजा लैता। इलाके दी पैदल

गश्त दरान इ'नें अधिकारिएं मुकामी लोकेँ कन्ने गल्लबात करियै सार्वजनिक सुरक्षा सरबन्धी चैंताएं दा आंकलन बी कीता। इस गैह् दा मकसद, आम लोकेँ ते पुलस बश्कार रिश्ते गी बेहतर बनाना ते भलेआं हेठले स्तर उप्पर आम लोकेँ अंदर बसाह-भरोसा बधाना हा। पुलसा दे इ'नें वरिश्ठ अधिकारिएं सरबन्धत पुलसकर्मिएं गी निर्देश दिता जे ओह इलाके च लगातार सतर्कता बनाई रक्खन।

<><><><><><>

Janmashtami Prep

कल मनाए जाने आहले ठाँकरें दे वर्त यानि “जन्माष्टमी” दे त्यौहार दे मद्देनजर जम्मू प्रांत दे बजारें च बड़ी मती रौनक दिक्खने गी लब्बा करदी ऐ ते लोकेँ गी भगवान कृष्ण हुं'दिआं मूर्तियां, बस्तर, साज-श्रृंगार ते पूजा दा समेयान खरीददे दिक्खेआ जाई सकदा ऐ। इस पर्व लेई बजारें गी शैल सनाकड़े ढंग्गै कन्ने सजाया गेदा ऐ। ठाकरें दे वर्त दे मद्देनजर प्रशासन ने बंदश आहली चीनी डोर, जिसी गट्टू डोर बी आखेआ जंदा ऐ, दी बिक्री पर नेइमी तक्क रक्खी दी ऐ ते एहदी बिक्री ते इस्तेमाल करने आहलें दे खलाफ सख्त कार्रवाई कीती जा करदी ऐ।

<><><><><><>

Prog. Announcement

आकाशवाणी दा क्षेत्रीय समाचार एकांश जम्मू 5 सितम्बर “राष्ट्रीय शिक्षक दिवस” दे मौके पर इक विशेष चर्चा प्रसारत करने जा'रदा ऐ जेहदे च स्हाड़े परोहने होगंन। जम्मू-कश्मीर थमां 2026 बरे दे राष्ट्रीय शिक्षक पुरस्कार हासल करने आहले मोहम्मद अयाज़ रैणा। चर्चा दा विषे

रौहग “गुरु -स्थाड़े असली पथ निर्माता”। 30एं मिन्टें दा एह कार्यक्रम शनिवारें 5 सितम्बर गी दपैहरी साङ्गे 12 बजे प्रसारत कीता जाहग। कार्यक्रम दी मेजबानी करगंन स्थाड़े न्यूज एंकर जगमोहन शर्मा।



Mission Shakti

महिलाएं दी सुरक्षा ते सशक्तिकरण लेई रम्भी गेदी “मिशन शक्ति” योजना रामबन जिले च बी महिलाएं लेई बड़ी मददगार साबत होआ करदी ऐ। जिला प्रशासन आसेआ इस योजना तैहत महिलाएं गी हर मुमकन मदाद उपलब्ध करोआने लेई जतन कीते जा’करदे न।



Disaster Mgt. Doda

डोडा जिले च कुसै बी इमरजेंसी आहली स्थिति च तयारिएं ते जान बचाने दिएं श्रमताएं गी निग्गर बनाने दे मकसद कन्नै जिले दे सब्भनैं तलीमी इदारें च आपदा प्रबंधन- अग्ग कोला सुरक्षत- बुनियादी जीवन रक्षक समर्थन- मेडिकल इमरजेंसी ते दिलै दा दौरा पौने जनेई स्थिति च CPR देने दा भ्यास कराया गेआ। जिला प्रशासन आसेआ मैहकमा सेहत- SDRF ते फायर ब्रिगेड विभाग दे सहयोग कन्नै कीती गेदी इस पैहल दा मकसद स्कूलें बच्चें- टीचरें ते होरनें लोकें गी कुसै बी आपात स्थिति जियां हाड़ औने- भूंचाल औने- अग्ग लग्गने- पस्सी पौने जां उआं बी कुसै दी सेहत खराब होई जाने दी सूरतें च किस चाल्ली व्यवहार करना ऐ- बिजन परेशान जां काहले पेदे किस चाल्ली शांत रेड़यै मदद करनी ऐ- बचाव कम्म करने न- इस

सरबंधी सिखलाई देना हा। जिले भर च आयोजित इस चाल्ली दे सिखलाई कार्यक्रमें दे सिलसिले तैहत फरीदिया मॉडल हायर सैकेंड्री स्कूल डोडा च आयोजित सिखलाई कार्यक्रम च आपदा प्रबंधन कन्नै जुड़े दे इक अधिकारी डाक्टर हामिद परें होरें आखेआ.

<><><><><><>